

LATGALĪŠU VOLŪDYS DIKTATS



Deveitais diktats latgalīšu rokstu volūdā

Evija Piebalga “Maize”

Ite maize na tik viņ maize – kotram latgalīšam ir sovs maizis stuosts, sova saimis recepte ci maizis cepieja. Rudzu maizis kukuleits ir maļteitis dvēsele i labi sadar kai ar svīstu i špeku, tai ar bīzpīnu voi madu. Boltuo maize ir kai radeita deļ uobeļu zaps i pīna, kam garša kai bierneibys vosorom pi babys.

Cegleņš ir kasdīnys maize, bet, izcapts ar skrauksteigu gorūzeņu i meikstu vydu, pagaist nu golda kai reita sapyns. Taipat krystala trauks iz kuojenis pats nu sebe ir tik trauks, bet, pīlykts ar cukra puorkaiseitom rūžeņom, žagarenim i sieņteņom ar šokolada capureitem, palīk par golda krūni.

Ar Agatys dīnā pasvieteitu maizi var nūdzēst pārkiuņa guni, maizi ar suoli nas, īmūt gostūs, oblateņu gatavej nu naraudzātys kvīšu meiklis, a mogonu maizeiti dakūž pi kopeja.

Maize aug, brīst, smuordoj i ir loba ari pi buļbu. Tagad i vysod, i myužeigi myužam.



Foto: Evija Piebalga